

Nakon provedenog postupka direktnog sporazuma, na način i po postupku predviđenom članom 90. Zakona o javnim nabavkama, zaključuje se

UGOVOR
o nabavci opreme za automatsku identifikaciju proizvoda putem barkoda

Zaključen između:

J.U. "APOTEKE SARAJEVO", Sarajevo, Aleja Bosne srebrene bb/IX, koju zastupa generalni direktor Prim. mr. ph. Sait Muradić, (u daljem tekstu: Kupac) i

INFO –KOD d.o.o. Travnik - PJ Sarajevo, Stupska bb, 71210 Ilidža – Sarajevo ID: 4236107360024, koju zastupa direktor Bajo Ratko, (u daljem tekstu: Prodavac).

I PREDMET UGOVORA

Član 1.

Predmet ovog Ugovora je kupovina opreme za automatsku identifikaciju proizvoda putem barkoda, u skladu sa ponudom Prodavca broj: 1-862/2017-2879 od 12.09.2017. godine, koja je sastavni dio ovog Ugovora.

II VRIJEDNOST UGOVORA I CIJENE USLUGA

Član 2.

Cijena opreme iz člana 1. sa instalacijom i obukom uposlenika iznosi 4.450,00 KM bez PDV-a, odnosno 5.206,50 KM sa PDV-om.

III PRAVA I OBAVEZE UGOVORNIH STRANA

Član 3.

Prodavac se obavezuje da će opremu koja je predmet ugovora isporučiti i instalirati na FCO Kupca, u roku od 10 dana od dana zaključenja ugovora.

Prodavac će kupca blagovremeno obavijestiti o prispjeću isporuke.

Prodavac je obavezan da kupcu nadoknadi štetu zbog neblagovremene isporuke robe, izuzev u slučaju više sile, poremećaja na tržištu, razloga koji je skrivio kupac i drugih okolnosti na koje prodavac nije mogao da utiče, kao i nastalu štetu zbog neisporučene količine robe koja je poručena.

Član 4.

Kupac se obavezuje da će plaćanje za robe koja je predmet ugovora izvršiti u roku od 60 dana od dana zaprimanja fakture, pod uslovom da nije bilo reklamacije od strane kupca.

Plaćanje se vrši na transakcijskih račun Prodavca naznačen na fakturi.

IV KVALITET ROBE

Član 5.

Prodavac garantuje da će kupcu isporučiti cjelokupnu naručenu količinu robe odgovarajućeg kvaliteta, u protivnom, prodavac je obavezan da kupcu naknadi pretpjelu štetu.

Kvalitet isporučene robe kupac utvrđuje prilikom prijema, uz prisustvo predstavnika prodavca, na

JU „Apoteke Sarajevo“

INFO – KOD d.o.o.



uobičajeni način.

V KVALITATIVNI I KVANTITATIVNI PRIJEM

Član 6.

Kupac će vršiti kontrolu kvaliteta kod preuzimanja robe. Reklamacija na isporučeni kvalitet robe se mora pokrenuti najkasnije do 7 dana od momenta prijema robe.

Član 7.

Isporuku robe prati određeni dokument (otpremnicu), koji mora biti propisno ispunjen i ovjeren od strane prodavca i kupca.

Dokument iz stava jedan ovog člana čini sastavni dio fakture.

VI GARANTNI ROK

Član 8.

Prodavac kupcu obezbjeđuje garanciju na robu koja je predmet ugovora u trajanju od 12 (dvanaest) mjeseci.

Član 9.

Ako prilikom prijema robe, kupac utvrdi eventualnu razliku odnosno određene nedostatke, ugovorne strane prihvataju da se takav slučaj riješi na slijedeći način:

- Kupac je obavezan da eventualni reklamacioni postupak na količinu isporučene robe pokrene najkasnije tri (3) dana od prispjeća iste na skladište kupca;
- Prodavac se obavezuje da uzme u postupak sve eventualne reklamacije prijavljene od strane kupca po svakoj pojedinačnoj isporuci.

VII SAOPŠTENJE I REKLAMACIJE

Član 10.

Ugovorne strane su saglasne da će se međusobno informisati o svim bitnim elementima koji su od značaja za realizaciju ovog ugovora.

Svaka strana zadržava pravo da u roku od tri dana, računajući od dana učinjene povrede odredbi ovog ugovora, uloži prigovor drugoj strani.

Član 11.

Pravo prigovora, odnosno reklamacije, naročito se odnosi na slučajeve:

- isporuke naručene robe neodgovarajućeg kvaliteta,
- neblagovremene isporuke robe,
- isporuke naručene robe u neodgovarajućoj količini,
- neblagovremene najave,
- neblagovremenog izmirenja obaveza, i
- u drugim opravdanim slučajevima.

VIII TRAJANJE UGOVORA

Član 12.

Ovaj ugovor se zaključuje na period od 01.10.2017. do 31.12.2017.

IX PRELAZNE I ZAVRŠNE ODREDBE

Član 13.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 14.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Ugovorne strane su saglasne da je u rješavanju eventualnog spora nadležan Sud u Sarajevu.


Član 15.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 15 dana.

Član 16.

Ovaj ugovor je sačinjen u četiri (4) istovjetna primjerka od kojih dva primjerka zadržava svaka ugovorna strana.

JU „APOTEKE SARAJEVO“



Prim. mr. ph. Sait Muradović
Generalni direktor

Broj:01-03-1355/17

Datum: 29.09.2017. g.

INFO – KOD d.o.o
- PJ Sarajevo-


Bajo Ratko
Direktor

Broj: 5-10/17-2879

Datum: 05.10.2017.



